

EVE

MEWLUD

MÛHEMMED EMÎN HËYDERÎ

BÛ NESRÎ MÛHACIRÎ

14 cemadê eġtanî 1402

Têbîn : 8 tîpên erebî hene di tîpên kurdî de tunene me xwest ku em van her 9 tîpan bidin nasîn û hin nîşandekan ji wan re dînin, ta ku xwendevanên hêja astengiyê di xwendina vê mûlidê de nebînin û bi zarê kurdî karibin bixwînin .
Û her 8 tîpên ku me nîşandek ji wan re danîne evin ;

(ˆ)	=	ع	-1
(ṫ)	=	ط	-2
(ẍ)	=	غ	-3
(ḧ)	=	ح	-4
(ḋ)	=	ض	-5
(ž)	=	ظ	-6
(ž̇)	=	ذ	-7
(t̃)	=	ث	-8

Arşek Baravî

Em didin h emd  Xwed  ey musulman

Daye me p exember  axir zeman

Ew Xweday  go hedayet daye me

Ni' meta xweş d n  islam daye me

Ni' meta ji her ni' met  xweş pir eve

Mineta ji her minet  mestir eve

Go  man aniye bi rebb  e' z m

Em m şerref b n bi Qurana ker m

Ey Xwedan  xaliq  erd  û sema

T  neh l  ummeta ha der  ema

Em gunehkar  av li  ufrana te ne

H v dar  reh m   i sana te ne

Em bi îman bêne erdê meşerê

Pey Mûhemmed herne hewdê kewterê

Ey Mûhemmed ey şefî'ê ummetê

Hadî û Mehdî hebîbê i'zetê

Ey tu bû yê çêtirî ji kewn û mekan

Şehsiwarê a'limê fexr û cîhan

Ey Mûhemmed ey resûlê ins û cin

Xwedî tac û beyreqa roja mezin

Mesneda vê ummeta han her tu yî

Derê fetîha cenneta me her tu yî

Ey Mûhemmed ey îmamê enbiya

Ey tu nûra rûh û canê ewliya

Em gunehkar û ðe'îfin bê e'mel

Hêvî ma e'fwa Xwedê e'zze we cel

Em bi cahê te xelas bin ey nebî

Rûh û canê me fîda canê te bî

Hûn ji i'sqa dil bibêjin berdewam

Ser Mûhemmed esselatû wesselam

Ew kesê go talibê xêrê pirre

Guh bidin vê mewluda pêxembere

Ev rîwayet go ji Mûhemmed hatiye

Qedrê mewluda min ê go girtiye

Hin pere mesref kirî ber mewludê

Wek çiyakî zêr di xêrê de didê
Got Ebû Bekrê sidîq kî xêr kire
Go di ber mewludê serfkî hin pere
Hem bidî xwendin bizanê qîmetê
Bû hevalê min di rêka cennetê
Got U'mer mewlud ku ê teqdîr kirî
Wî ji xwe re islametî pir xweş kirî
Gotî U'tman mesrefa mewludê deyn
Wek tu çûyî xezweta Bedr û Huneyn
Hem E'lî derheqê wê de gotiye
Qedrê mewluda Mûhemmed girtiye
Wê bi îman derkevî bal axretê

Bê hîsab ew kes diçî faq cennetê
Yusrî Fexridînê razî hem Cûneyd
Yafi' û Me'rûfê kerxî ey U'beyd
Her weha şêx û ewliyata yek bi yek
Wesfê mewluda Mûhemmed dan gelek
Gotine go ew merovê qencî zan
Bakî çend ehl û cîranê musulman
Wergerê libsê mûnasib bihnê xweş
Hem bidî xwendin bi kêf û dilkî xweş
Ew diçî heşrê digel sefa berê
Wê vexwî avê ji hewdê kewterê
Ê bixwînî ser pera pir zêde lê

Ûeq te'ala zêde wê dê berketê
Go sûal jê tê kirin bê tirs didê
Lê di qebrê da cewabek xweş didê
Xaniyê mewlud go têda xwendine
Tê hemandin ew ji diz û dijmine
Hem ji şewt û xerq û afat û bela
Hem hesûd û çav xerab û hem xela
Kî bi mewludê re deynê xwarinê
Çend mislman guh bidin vê xwendinê
Ê bixût zad û te'amê mewludê
Têne qelbê wî hezar rehma Xwedê
Yan bixwî xwê hem genim yan şerbetê

Ew ji qelbê wî dibê her i'letê
Meclisa mewlud go tê xwendin liwê
Lê heta salkê melek naçin ji wê
Hem didin rehîm û selatan ser kesê
Daye xwendin mewluda wê meclisê
Kî dixwazî go Mûhemmed şah bibî
Qîmetê vê mewluda wî zane bî
Go bi hûba wî îman kamil dibî
Cenneta baqî bi wî hasil dibî
Ew kesê i'şqa Mûhemmed pêre bî
Ger bikî qesda cihê mewlud hebî
Ê go qîmet dane mewluda nebî

Bûn xwedî qedr û keramet ey ebî
Hem ji i'şqa wesfê wî mesref kirin
Wan meqamê a'lî xeyrê pir birin
Em bi mewluda Mûhemmed pir xweşin
Em misilman ser bilindin dil geşin
Ez ji behta wesfê wî dûrim heqîr
Dil mirîme nine i'şqa min feqîr

Hûn ji i'şqa dil bibêjin berdewam
Ser Mûhemmed esselatû wesselam

Ewelî tiştê Xwedê îcad kirî
Wî ji nûra xwe Mûhemmed çê kirî

Ger tê yek parçe ji nûrê go bibe
Lê hebîbê min Mûhemmed çê bibe
Heyşt hezar sal çûn Mûhemmed hê hebû
Erđ û esman E'rş û kursî yek nebû
Paşî kir nav behrê nûrê der hîcab
Hemd û tesbîhê Xwedê kir bê hîsab
Ew ji behrê anî der wî secde bir
Go ji bo vê secdê min xelqa te kir
Ewelê xelqê tiwî axir nebî
Tiştê mayî wê ji te peyda bibî
Wî ji fedya girtî xwêdanek dida
Nuqteyek nûrê li etrafan veda

Jê dibarî sed û bîst û çar hezar
Her yekî bû yek nebiyê dil şiyar
Paşî yek cewher ji wê nûra celî
Kir du şeq yek jê kir behr û hem gelî
Ya gelî kefda disera bû duxan
Kef bû erd û duxan bû asiman
Şeqê nûra dî Xwedê jê kirye çar
E'rş û kursî û qelem lewhe kubar
Heq te'ala gotî Cibrîlê emîn
Tu ji cê qebra Mûhemmed axnê bîn
Avekê safî bi wê axê bikîr
Tevlî wê nûra Mûhemmed bik hevîr

Bû wekî durra sipî pir şu'le da
Çû sicûdê hem kirî hemdê Xweda
Hem Xwedê gotî qelem binvîs hema
Go çi binvîsim liber emrê tema
Gotê binvîs la îlahe illellah
Hem Mûhemmed bû resûlullahî şah
Lê qelem got ya îlah el a'lemîn
Kî Mûhemmed ev çi navê pir şêrîn
Ê dibin navê te re deynim kîye
Muhibeta wî pir li min xweş hatiye
Hem Xwedê got ya qelem ger ew neba
Erđ û esman ne felek wê yek neba

Lewh̄ û Kursî û Qelem E' rşê mezin
Cunnet û Melk û Cehenem Ins û Cin
Herçi mexlûqê hene ta axirî
Min ji bo navê Mûhemmed çêkirî
Wî silav da ser Mûhemmed kir xîtab
Ber Mûhemmed ve Xwedê daye cewab
Go e'leyke el salam û rehmetî
Ev Qelem bû serxweş û pir dil ketî
Go ji hingê bûye sunnet ev salam
Wacibe reda selamê berdewam
Ew ji ber i'sqa Mûhemmed bû du şeq
Hem li ser lohê nivîsê emrê heq

Wê ji Adem ta herî axir zeman
Umetên pêxemberan kirne beyan
Go ji Xwedê re bikî hin ta'etê
Wê bi fedla wî herî der cennetê
Ê guneh kar wî bişênî cehnemê
Ummetên pêxemberan danîn hemê
Ew heta navê Mûhemmed pey de tê
Kirko wana deynî halê ummetê
Heq te'ala go teedeb ey qelem
Heybetê girtî qelem ma der elem
Go çi deynim der heqê vê ummetê
Bo Mûhemmed ey Xwedanê i'zetê

Gotî deyne ummeta Ehmed bi nûr
Ew gunehkar rebbê wan rebbek xefûr
Wî wisa danî di lohê de temam
Ma dibin hukmê Xwedê de wesselam

Hûn ji i'sqa dil bibêjin berdewam
Ser Mûhemmed esselatû wesselam

Çûn Xwedê xwestê go Adem çê bikî
Hem ji wî dibê zuryetê zêde bikî
Wî li qendîla Mûhemmed kir ne žer
Nuqta xwêdanê ji nûrê hate der
Daketî ser axa Adem bû herî

Emrî rûh kir ket cesed wî çêkirî
Ji Ibin E'bas ev rîwayet hatiye
Go nebiyê Mûhemmed ev gotiye
Ez nebî bûm çend hezar sal hê berî
Bavê me Adem hêj av û herî
Ûeq te'ala gote Adem ba wefa
Hilgere nûra Mûhemmed Mûstefa
Go Xwedê nûra Mûhemmed danî pişt
Şu'le da nav cennetê baş û buhişt
Go tu û Hewa herin nav cennetê
Herdû serbestin li kêf û li zête
Heçî tiştê go bixwazin hûn bixun

Ûeyrî vê dara genim hûn jê nexun
Ew dinava cennetê mane gelek
Dîn ji pare tîn temaşa wî melek
Gotî ya reb ev ji bo çi tîne paş
Go li wê nûra Mûhemmed mane şaş
Gotî ya reb bêne pêş nûra mezin
Da melek bêne mûqabil wechê min
Nûr ji piştê anî anê heq Xwedê
Hin dibêjin anî tilya şahidê
Gotî ya reb ma ji vê nûrê heye
Gotê nûra çar yarê wî heye
Gotî Adem ya îlahî el eman

Bîne van tilyan evan nûrê go man

Hatî tilya navî nûra Bû Bekir

Ya U'mer tilya liber wê şu'le kir

Nûra U't'man hat qelîcê ya teref

Ya E'lî hat ya mezin dayî şeref

Hatî Hêwa gotî Adem ey hebîb

Ev çi nûra safî nazik reng xerîb

Gotê ev nûra hebîbê e'izeme

Ew ji her pêxemberan re xatîme

Wextê wan bê emrî kir ji darê xwar

Dîsa ew nûr çûye piştê bû sitar

Qet nema perçek ji erda cennetê

Ila wan lê kir limêj û tá'etê
Nêzî wê dara genim nedbûn yeqîn
Hatin xapandin bi Iblîsê le'în
Sûnd dixwar Şeytán di go ez nasihim
Namirin ger hûn bixun dara genim
Ew ji rê çûn ketne dava hesedê
Wan genim xwar jbîrkin emrê Xwedê
Mane tazî ew ji libsê rîş û per
Lew Xwedê goj cenneta min herne der
Ket serendîbê li erda hindê tek
Pir girî û ah û nalîn çûn felek
Pir go poşman bû hinavê xwe disot

Ayeta (ina želemna) her di got

Û di wî ħalê girîde dî li 'Erş

Wî li bin navê xwe dî navekî xweş

Dîtî la îlahe ilellahî heye

Hem Mûhemmed resûlullahî heye

Go bi ħeqê wîkî Adem gotiye

Te di bin navê xwe re ew daniye

Min 'efûkî ya îlahî bankirî

Hem selatan ser Mûhemmed dakirî

Wî Mûhemmed daye ber xwe tobe kir

Ĥeq te'ala deryê tobê lê vekir

Hat Cibrîl gotî Adem be isûl

Toba te ji bo Mûhemmed bû qebûl

Her bibîne qiseta pêximbera

Pir bicahê wî 'efû bûn ey bira

Ya îlahî tu qisûrê me bide

Xatirê navê Mûhemmed ey Xwedê

Hûn ji 'işqa dil bibêjin berdewam

Ser Mûhemmed esselatû wesselam

Bav û ecdadê Mûhemmed ta bi jor

Cennetîne merd û mêrxas û cesûr

Bavê wî Adem ħeta 'Ednan hene

Lê ne ser rastin rîwayet tê hene

Silsîla wî tev esîlin faxirin

Dê û bavê wî temîzin tahirin

Lê ji 'Ednan bê heta bavêd ewî

Bîst û yek bavin hemî rast û qewî

Paşê ew nûra Mûhemmed Mûstefa

Hat ji Adem çûye şîtê ba wefa

Neqlê Idrîs Nûh û Sam bû her weha

Ta bi Ibrahîm û Isma'îl giha

Hatî 'Ednan Me'id û Nîzar hem Muđer

Çûye Ilyas Mudrikê Xuzeyme her

Hat Kînane Nedr û Malik çû Feher

Ûalib û Lûey bî Ke'ib û Miret ber

Hat Hëkîm û çû Qusey û 'Ebdulmenaf

Haşim û 'Ebdilmutelib ew bê xîlaf

Çû ji 'Ebdilmutelib nûra hûmam

Hat ji 'Ebdullah re bû piştekan temam

Wechê 'Ebdullah go nûrê lê veda

Bû wekî hêva li çarda şu'ileda

Pir jin û qîzên Qureyşî û 'Ereb

Dil ketin hûsna wî xwestin roj û şev

Carekê wî bal yekê meylek ne bû

Çimkî ew nûra Mûhemmed pêre bû

Rojekê 'Ebdullah gote bavê xwe

Daye der esrar û keşf û hâlê xwe

Gotê bavo çendê car û çend mehê
Ez tenê diçme newalê mekkehê
Nûr ji min tê der dibî perçe ji hev
Diçne şerq û xerbê dîsa tene hev
Dengê erdê tê guhê min go dibê
'Ebdullah bavê Mûhemmed wê tu bê
Dengê xeybî hat di go ev mujdeye
Nûra Ehmed wê bi 'Ebdullah reye
Dara hişk rûnê li bin ew şîn dibî
Go ji bin çûm wek berê ew hişk dibî
Nûr ji min derket diber esmana çû
Dîsa hatî ser mira wek ewrê nû

Bêje bavo ev keramet ka çiye
Jêre gotî min li te mizgîniye
Hêviya min her Xwedaye ey ciwan
Wê ji te pêxemberê axir zeman
Wê ji piştî te Mûhemmed çê bibî
Xatimê pêxemberan wê rabibî
Min di xewda dî go dengê hatî min
Gotî bavê Mûhemmed canê min
Hûn ji 'îşqa dil bibêjin berdewam
Ser Mûhemmed esselatû wesselam

Çê bû 'Ebdullah hesûdî hat kirin
Ehlê ehbar û kîtaban fêmkirin
Çi nîşanek bo wicûda wî hebû
Rahib û tarîxçiyên hay jê hebû
Go nebî yîhîya şehîd bûye li şam
Cubbê xwîna peyv hilandin bû 'ilam
Wextê ew xwîna go hişk terre dibî
'Ebdullah bavê Mûhemmed çê dibî
Dîn go xwîna ter ji cubbe hatî xwar
Rahiban got hey hewar û sed hewar
Wextê nêzîk go Mûhemmed çê bibî
Hukmê pût û rahiban ibtal dibî

Herne 'Ebdullah bibînin fursetê
Ka bi hîla nakujin wê dewletê
Ehlê kufre hem yehûda çendî car
Çûne dora mekkehê lê bûn şiyar
Hafizê 'Ebdullah rebbê mezina
Tê himandin ew ji koma dujmina
'Ebdullah xortek gîhayî taze bû
Bilxisûs nûra Mûhemmed pêre bû
Go giha hedê kemalê pir delal
Hatinê heftê cihû ji qewmê delal
'Ehd û soz dan hev ji şam em dê herrin
Em ji dora mekkehê na vegerin

Ta ne kuştin bî bidestê me tamam
Ax û ava şam liser me bû heram
Çend meh û rojan li ber danîn kemîn
Kengî bê der wê bikî parçe yeqîn
Rokê dîtin 'Ebdullah wa hate der
Ew tenê bû van hicûmek dane ser
Hem Weheb jî çûbû seydê bû delîl
Ew bû bavê Amîne xatûn esîl
Ew hicûma wek gurê go bêne pez
Wan bi çavan dî belê dîtî bilez
Hate xwarê 'eskerê xeybê fetak
Wan bi yek derbê cihû kirne helak

Go Weheb dî hate ser wan ev 'ecîb
Hem ji 'Ebdullah dî ev îşê xerîb
Muħbeta 'Ebdullah ket qelbê Weheb
Zû vegerya hate malê der 'eceb
Ev hîkayet got 'iyal û ehlê xwe
Min di heqê 'Ebdullah dî bi çavê xwe
Got jina xwe rabe here zû bi edeb
Bêje 'Ebdulmutelib şêxê 'Ereb
Wî li cem min yek keça nazik heye
Hôrî teb'e nazinîn û tazeye
Ger divê bo 'Ebdullah bînî jinê
Nîne miñlê Amîne dora dine

Bêje 'Ebdullah go ew jî raziye
Min ji wîre amîne laiq diye
Ew xeber çû gote 'Ebdulmutelib
Hem ji 'Ebdullah re çêbû meyl û hûb
'Ebdullah gotî diya xwe ba şepal
Her bixwaze yek jina hûsn û cemal
Her bibîne yek keça bi esl û neseb
Go nebî wek wê dinav tuxmê 'Ereb
Faîme çû dîtina qîzê hûmam
Ketiye nav êl û qureyşiyên temam
Go vegerya gote 'Ebdullah eman
Min kirin teftîş gelek qîzê ciwan

Bejn û bala wan şepalî pir şêrîn
Eslê táhir babetê te nazinîn
Min ji xeyrî Amîne lai q nedî
Gotî dayê her bibîne care dî
Faíme çû dît û hat go canê min
Nîne wek wê der dinê de qîz û jin
Nabî wek wê hórî û ba'izz û naz
Gote 'Ebdulmutelib her wê bixwaz
Çûn û xwestin wan ji bavê Amîne
Kirne kara dawetê zû hatine
Wan weqîk zîv û weqîk zêr pêre dan
Sed deve sed pez û sed çêlek ciwan

Wan çiqas mesref kirin ber Amîne

Her wekî sêvek didan û hatine

Ban kirin êl û 'eşîran xas û 'am

Wan 'ecêbek çêkirin zad û te'am

Pir qureyşî û 'Ereb hatin bideng

Xeml û ħusna Amîne bû renga reng

Roja îne bû nehê heyva receb

Bû nîkaħa Amîne qîza weheb

Wê şeva 'Ebdullah bû zava birin

Go dibêjin sed jinê mekkê mirin

Bûk û zava çûne xelwê man tenê

Wê şevê 'eşqek ketî nava dine

Masiyê beħran de mizgîn dane hev
Teyr û heywan kirne hemdê heq bidev
Hûr û xulman û melek nav cennetê
Kirne kêf û şahiya vê dawetê
Heq te'ala emrê cibraîl dikî
Bêje riđwan berderê cennet vekî
Bêje malik bigrî derê cehnemê
Paşî mizgînê bibe nav 'alemê
Xul xule ket erd û esman û ciha
Dengê tesbîhan li her erdê giha
Hatî cibrîl daye mizgîn û xeber
Erd û esman şerq û xerb û beħr û ber

Beyreqa nûrê li ser ke' bê veda
Gote xelqê ev zemanê Ehmeda
Ev şeva nûra Mûhemmed bû nefil
Çûye betnê Amîne pê bû hemil
Hatî dora xatemê pêxembera
Hat dema dînê Mûhemmed eşkera
Hat zemanê heq bi destê dil yeka
Çû zemanê pût perist û muşrika
Wê şevê pir bûn 'elamet bê jimar
Text û kursiyê milûkan hatne xwar
Textê qeyser hat qulabtin ser devê
Di stû hev werbûn senem 'eynê şevê

Şeq bû eywana melek kesra yeqîn

Hem şikestî textê Iblîsê le'în

Çû çiyayê bû qebîsê bakirî

Cumle Şeytân lê gihan man heyirî

Jêre gotin ka reva te ji bo çiye?

Ta bi canê te ji tirsan girtiye

Ev çi tirs û nale nale û welwele?

Ev çi dehşet ev çi dengê zelzele

Gote Şeytân tev li dorê têne hev

Ya di destê minde îro maye rev

Zelzele û tirs mezîna heqê mine

Go Mûhemmed çûye betnê Amîne

Ew go çê bû rûmeta me qet nema

Wê hilîne dîne pût û senema

Qîmetê hîla nema go ew giha

Wê bi şûrê heq bike fetîa ciha

Hûn ji 'îşqa dil bibêjin berdewam

Ser Mûhemmed esselatû wesselam

Amîne go hemlê min şeş meh tamam

Hatî 'Ebdulmutelib da yek selam

Gotê 'Ebdullah xwe rabe kar bike

Ber bi şamê taciryekê her bike

Tu ji medîne xurmena bome bikir

Hem te'am û xwarinê bîne veger
Go Xwedê kurekî bi Amîne bidî
Xwarinek baş tu bişêranî bidî
'Ebdullah rabû xwe karkir çû ji mal
Bîst û pênc sal 'emrê wî xortê delal
Çûye şamê hat medîne ah û ah
Go wefat bû hate ser emrê îlah
Hisreta bûna Mûhemmed pêre ma
Hem Mûhemmed bav nedî bê xem nema
Karwanê pêre hatî ber bi mal
Wan ji 'Ebdumutelib re gotî hal
Wextê 'Ebdulmutelib hal fêmkirî

Hat xeber da Amîne pir da girî
Go hebîbê min wefat bû ey Xweda
Hem kurê min ma yetîm rûhê m fîda
Dayê 'Ebdulmutelib sebrek ema
Hesreta 'Ebdullah carek dilde ma
Him dinava erd û esman bû hezin
Ê bihîstî ma di vê huzna mezin
Hem melek gotin îlahî bakirin
Em bi çêbûna Mûhemmed şakirin
Ya go îro zêde bûye kerbê me
Go Mûhemmed ma yetîm ey rebbê me
Heq te'ala go ji we zana tirim

Ej Mûhemmed re ji dê û bav çêtirim

Me ji ezelde daniye emrek 'ezîm

Wê Mûhemmed bête dunya ê yetîm

Ey birayê musulman guhdarî bin

Qîmetê zarwê yetîm pir zanibin

Amîne got neh mehê hêmlê me çûn

Pir îşaret hem 'elamet zêde bûn

Zehmetî qet min ji hêmlê xwe nedî

Wek jinê xelqê e ziyet min nedî

Pir keramet min didî di xewna Xweda

Her mehê pêxemberek mizgîn dida

Heyva ewil hatî Adem kir kelam

û li Mûhemmed merheba hem kir salam

Lê meha didwa salam da gotî şî

Hat Mûhemmed xwedyê teiwîl û hedî

Min nebî Idrîs diye heyva siya

Gotî hemlê te reîsê ewliya

Min meha çara di xewda dîtî Nûh

Hat Mûhemmed sahibê nesr û fitûh

Hûd meha pêncê di go mizgîn li te

Hat şefî'ê roja heşrê hemlê te

Gotî Ibrahîm Xelîl heyva şeşa

Hemlê te nebî celîlê dil geşa

Min meha hefta dî Isma'îl zebîh

Gotî hêmlê te xwedyê dînê sehîh
Lê meha heşta di got Mûsa elkelîm
Hat Mûhemmed xwedyê Qurana kerîm
Ya neha 'Isa binû Meryem kir selam
Got eve pêxemberê ser xas û 'am
Xatimê pêxemberaye ev resûl
Pir bi cahê wî reca bûye qebûl
Yek ji tarîxa Mûhemmed 'îsewî
Pênc sed û heftê û yek sal piştî wî
Bîstê nîsanê bû sala herba fîl
Hem şeva duşembê bû şahê celîl
Diwazdehê heyva rebî'el ewelî

Amîne go mam tenê der menzilî
Çû bû 'Ebdulmutelib zarwê wî hem
Çê fikir dîwarê ke'bê der herem
Kes ne bû ji mêr û jina wensa me bê
Hatî wextê go Mûhemmed çê bibê
Mam di wê tirs û metal û dehşetê
Wê çawabî ez tenê der xelwetê
Min dî ronî daye hundur bê qeder
Şeq bû xanî çar jina jê da bû der
Van jinê rûhaniyan pir şu'ile dan
Çar teref hem bûn sened hem pal vedan
Wan didan mizgîn di go ey Amîne

Em ji bo h eml e te dayin hatine
Bejn   bala wan bilind  xweş fesal
Wek jin  haşimiyan naz   delal
Ew go H ewwa Sara Asya pir mel h
Yad  Meryem b  diya ' Isa almes h
Nay  wesf  pir go h usna wan heb 
H usna Meryem h  ji wana z de b 
Yek li rast   yek li  ep hat yek li pişt
Meryema 'Umran  hat ber min r nişt
Pir biwan k fxweş di b m sebra me hat
Renge rengan deng  tesb han di hat
Şu'ile da hundur tij  r han  b n

Exlebê dengê didan suryanî bûn
Amîne got erdê û esman şu'ile da
Ew şeva go çê bibî dostê Xweda
Dayina zahir şeva a mekiya
Dayina şîr bû helîma si'diya
Çû jimin nûrek ji şewqa wî medî
Qesrê busra erdê şamê min didî
Sê 'elem min dî ji nûrê mîtlê berq
Yek jê danîn mexrib ya dî dane şerq
Beyreqa sisya ji wê nûra letîf
Dane ser beytê go ew ke'iba şerîf
Heq te'ala gote cibrîlê emîn

Hin melek ber dakevin erđa zemîn

Razîbûna min li ser xwe wergerî

Rabe mizgînê bibe ber her derî

Ber vekî ridwan derê her cunnetê

Ûorî serbestin li kêf û dawetê

Bêje Malik bigrî deryê cehnemî

Gazîke nav erđ û esman hemî

Anî cî emrê Xwedê wî yek bi yek

Daketî pêre melek hatin gelek

Ew li dora mekehê bûn sef bi sef

Hem di ser ke'ibê re bûne ref bi ref

Amîne go ez di wî hâlê de bûm

Bêhnekê da hundur û pê xweş dibûm

Pir melek hatin didestê wan tebeq

Hin ji zêr û hin ji zîvê wek şefeq

Hundirû dan ber bixûr û 'enbera

Dan selatan ser Mûhemmed eşkera

Refkî teyrê per ji cewher nîklê zêr

Dane tesbîhan bi dengê xêr û bêr

Çûn û hatin rast û çep teyrên belek

Ez di wî halê de tî bûme gelek

Dane min yek qedeha şerbetê zû

Min nedî wek wê şêrîn av û gezû

Hem sipîtir bû ji şîr wek berfê sar

Hem şêrîn tir bû ji hingiv min vexwar

Min vexwar têhniya min çû û şikest

Li zêr û zewqa me jê dî mame mest

Min dî yek teyrê sipê da hundirû

Hatî rûniştî li ber min rû bi rû

Herdû baskê xwe di ser sînga mi bir

Hingê çêbûye Mûhemmed sed şukur

Bû Mûhemmed tahir û sunet kirî

Dev liken nûr jê hilat çav kilkirî

yek ne zêr da esimana şu'ileda

min dî tilya şehdê rakir şehde da

Hûn ji 'îşqa dil bibêjin berdewam

Ser Mûhemmed esselatû wesselam

Hat şeva nûr el îman žahir bibî

Hat hebîbê go yekî wek wî nebî

Hat Mûhemmed ewelê xelqê bera

Hat Mûhemmed axirê pêxembera

Hat Mûhemmed puşbetanê dewletê

Hat Mûhemmed ser şivanê ummetê

Hat Mûhemmed xwedyê Qurana kerîm

Hat Mûhemmed merd û mêrxas û rehîm

Hat Mûhemmed xisletê qenc jêre ne

Hat Mûhemmed ni'imetê xweş pêrene

Hat Mûhemmed hat şefî'ê 'asiyan

Hatî dermanê 'elîl û qasiyan

Hat Mûhemmed hat şefî'el mu znibîn

Hatî nûra ewliya û muiminîn

Hat Mûhemmed merheba sed merheba

Hat Mûhemmed bû şefî'ê muzniba

Hat Mûhemmed ser ser û çava jî hat

Hat Mûhemmed roja îmanê hilat

Hat Mûhemmed sahibê tac û 'elem

Hat Mûhemmed çû dema pût û senem

Hat yekî wek wî nebû ji qewmê berê

Hat yekî wek wî nema ta axirê

Hatî sultânê cemî'ul enbiya

Hatî nûra herdû çavê ewliya

Hat Mûhemmed mestirê ji her miletan

Ummeta wî çêtire ji her ummetan

Hat Mûhemmed rêberê herdû ciha

Hatî imdada gunehkarê nuha

Hat Mûhemmed rehmeten lil'alemîn

Hat Mûhemmed xatîmen lilmurselîn

Hûn ji 'işqa dil bibêjin berdewam

Ser Mûhemmed esselatû wesselam

Ey Mûhemmed seyidê kewn û mekan

Ey şefî'ê mehşerê roja giran

Ey tu nûra xerb û şerq û meşriqê

Sahibê tac û bûraq û beyreqê

Nav şêrîn û ser bilindê 'alemê

Merd û mêrxastir ji tuxmê ademê

Xatimê cumla resûl û enbiya

Roniya çav û qilûbên ewliya

Ya hebîbullah resûleke sadiqî

Ya resûlullah bi rastî natiqî

Sorgulê baxan ji wechê te fedî

Wek te şêrîn û xweşik keskî nedî

Lew ji nûra te şeva reş bû şefeq
Yek îşaret go te da heyv bû du şeq
Nuqtekê nûra te da erd û sema
Erd û esman heyv û roj tev tede ma
Ger ji Adem bê heta dunya hebî
Her serê insanekî sê sed dev hebî
Her di devkî de hebê sê sed ziman
Wesfê husna te bibêjin her zeman
Ew ji melyonkê yekê nakin tamam
Lew ji nûra heq tu çêbû ey îmam
Hêviya vê ummeta 'asî tu wî
Rêhberê me bal xudanê heq tu wî

Nefsî nefsî go ketî nav 'alemê
Tû şefa'etkî ji bo me wê demê
Em bicahê te dikin nalîn û zar
Bal Xwedê ve dest bilind û histû xwar
Tabi'ê pêxemberê vê ummetê
Pey Mûhemmed herne baxê cunnetê
Ya îlahî ya xefûr û ya helîm
Ya letîf û ya kerîm û ya rehîm
Hêviya me ey Xwedanê 'alemî
Tû 'efûkî ehlê îmanê hemî
Ger çi em 'ebdê gunehkar pir hene
Lê tu wî rebbê me em 'ebdê tene

Tû qebûlkî van ji bo wechê kerîm

Me 'efûkî tev bi Qurana 'ežm

Tû qebûlkî vê du'a û xwendinê

Ecrû xêra ê didê vê xwarinê

Bighê rûhê nûr Mûhemmed mustefa

Hem digel al û sehabê wî teva

Adem û Hewwa cemî'ul muminîn

Ê ji wan çêbûn nebî û murselîn

Fî sebîlullah şehîd û xaziyan

Ĥacî û lilah cemî'ê ewliyan

Bighê seydayê me şêx û kamilan

Saliĥan û 'aliman û 'amilan

Ê xerabî kir û yan qencî bi me
Yan xerabî dî û yan qencî ji me
Ê go mewlud daye yan lê bû sebeb
Ê go hãdir bû û yan lê kir teleb
Dê û bavê hãzir û guhdarê me
Mêr û jin sax û mirî hem zarwê me
Bighê rûhê musulmana mêr û jin
Ehlê îmanê go saxî yan mirin
Ya semi' û ya mûcîbul de'ewat
Ya cemîlul sebrî 'indel seyiat
Bo Mûhemmed al û hem eshabê wî
Bo rûhê etba'i û hem ehbabê wî

Bo rûhê miryê me û ehlê îman

Şêx û seydayê li ser me heqê wan

Ê go teilîf kirye mewlud ey bira

Bo feqîrê Heyderî hem hazira

Hûn bixînin fatîhê bo van tamam

Ser Mûhemmed esslat û esslam